



Comunu de Quartu Sant'Aleni



A cassa de retzas scarèscias in su Golfu de Casteddu cun su progetu “Fishing for the planet”

Custu stadiali chi agatat una retza de pisca scarèscia in mari in su Golfu de Casteddu, dd'at a podi fai sciri e agiudai a ndi dda bogai cun [Fishing for the Planet](#).

S'abrìtiu de s'assòtziu sportivu noitzus Blue Life Scuola Apnea Sardegna, agiudada de Fondazione di Sardegna e de medas àterus partners istituzionalis puru, itra totus su Comunu de Casteddu e sa Citadi Metropolitana, su Comunu de Quartu Sant'Aleni

Progetu sa Lìngua in Quartu
mail: ufitziusardu24@gmail.com

<https://www.facebook.com/progetusalinguainquartu>

PROGETU FINANTZIAU CUN DINAI DE SA REGIONI AUTÒNOMA DE SARDÌNNIA CUNFORMA A SA L.482/99 E A SA L.R. 22/2018 .

e sa Regioni Sardigna, cun s'agiudu de sa Guàrdia Costiera de Casteddu e medas àterus partnersⁱ, est partiu de unas cantus de cidas e at a andai a inantis po totu su stadiali, finas a su 30 de cabudanni 2024.

Su progetu prevedit s'arregorta de is comunicatzionis de is sportivus, amantis de is atividadis in àcua e massimamenti de totus is citadinus chi in custu stadiali ant a biri retzas de pisca arrèscias in su fundu de su mari o maretendi annadendi asuta de àcua. “Su progetu nascit de s'amori e de su rispetu po su mari de totus is chi, cumentì a nosu, ddu bivint gràtzias a is sport in àcua: de su snorkeling a s'apnea, passendi po sa pisca sportiva, spiegat Simone Mingoia referenti de su progetu e presidenti de sa ADS Blue Life Scuola Apnea Sardegna, portai rispetu e tenni lìmpiu e frutuosu su mari est s'ùnicu modu chi teneus po ndi gosai in su tempus a beni puru. Custas retzas sunt un'amminetaⁱⁱe custu stadiali ddas eis a podi sinnalai, chena de s'acostai meda e ddas tocai, e agiudai a ndi ddas bogai”.

In s'intenis, in sa pàgina in lìnia [bluelifeexperience.com/fishing-for-the-planet/](https://www.bluelifeexperience.com/fishing-for-the-planet/) podeis agatai unu mollu chi pregontat unas cantus de informatzionis chi non podint mancai cumentì a is coordinadas GPS e calincuna fotografia o video (feti chi boleis): una mapa de su Golfu de Casteddu est incarrerendi a si preni de is inditus de is retzas scarèscias chi ant a essi a pustis averiguadas de su Team Blue Life e a cou bogadas, facias a s'acabu de cabudanni cun unu team tènicu specializau. Is chi agatant is retzas scarèscias ant a arriciri unu arregodu de is sponsor e unu arreconnoscimentu de s'assòtziu”, aciungit Mingoia.

“Custas retzas faint partiri una reatzioni a cadena, una borta lassadas o pèrdias, andant in giru in su mari e sighint a piascai chena de sèberu, pisci, àterus animalis e pillonis de mari e intra de custus puru cussus amparaus chi bivint in su mari nostru, chi sunt atiraus de is piscixeddus giai acanciaus” narat Alessandro Cau, circadori in Ecologia Marina in s'Universitàdi de Casteddu. Cau aciungit “ a ndi bogai custas

retzas no est fàcili, serbit un traballu de squadra cun is citadinus, is fotzas de s'òrdini chi controllant su mari e is entis de circa chi podint donai is diretivas po ndi liai is ainas de maneda sigura”.

“Su Comunu tenit pagu manu libera in mari e is abritius cumentis a Fischen for the Planet sunt de importu mannu po fai traballai totus in pari is Comunas chi bessint a su Golfu de Casteddu, narat Salvatore Sanna ViceSindigu e Assessori a s'Ambienti de su Comunu di Quartu Sant'Aleni. “Is retzas pèrdias sunt un'ammineta po in animalis de su maari, ma puru po sa siguresa de sa genti”.

Luisa Giua Marassi, Assessora a s'Ambienti de su Comunu de Casteddu, torrat a ammentis s'importu de s'abritiu chi sighit sa missioni de s'amministratzioni noa. “S'ecosistema de su mari, spiegat Giua Marassi, est po Casteddu una risorsa po s'ambienti e po sa strategia de importu mannu. Feti manixendi de maneda sostenibili su mari cosa nosta podeus pentzai de ndi gosai e de ndi teni oportunidades econòmicas puru po sa terra cosa nosta e po is chi ant a beni”

- i Fishing for the Planet est unu abritiu de Blue Life ASD Scuola Apnea Sardegna/Fipas Federazione Italiana Pesca Sportiva Attività Subacquee Nuoto Pinnato. Su progetu est finantziau de sa Fondatzioni de Sardigna, cun s'aggiudu de su Comunu de Casteddu, Comunu de Quartu Sant'Aleni, Citadi Metropolitana de Casteddu. Pigant parti a su progetu sa Guàrdia Costiera, sa Lega Navale setzioni de Casteddu, Legambiente Casteddu, Marina di Capitana (Saromar Gestioni), Carlo Putzolu Assicurazioni, CMAS-World Uderwater Federation, CONI, Salvimar, Bracenet, Biavati Mare di Biavati Enrico, Rotary Mare Nostrum.
- ii Is retza de pisca sunt ainas de importu mannu in sa pisca de cummèrciu e sportiva, imperadas de sèculus po cassai su pisci. Custas retzas sunt fatas de materialis diferentis cumentis a nylon, polietilene e fibras naturalis, scioberadas po sa resistèntzia, dura e capacidadi de resisti a su mari. Ma, chi non sunt manixadas beni, podint fai dannu mannu in su mari. Su tempus imperau de sa natura po ddas fai sparessi est meda e podit arribai finas a unus cantus de centu annus po su nylon. Is retzas scarèscias sunt perigulosas duas bortas: poita cassant pisci chena sèberu, mancau amparau puru, e poita lassant andai arrogheddus de plàstica chi imbrutant su mari e faint arriscas sa vida a sa genti. Su Programma de is Natzionis Unidas po s'Ambienti (UNEP) at calculau chi 640.000 tonnelladas de retzas e àters ainas andant pèrdias in mari ònnia annu.